



Inatsisartunut ilaasortaq Aleqa Hammond
Inatsisartut Allattoqarfiat
Maani

Inatsisartut suleriaasianni § 37 naapertorlugu apeqqummut nr. 2012-11-mut akissut.

30. marts 2012

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@gh.gl
www.nanoq.gl

Pineqaatissinneqarsimasunut isertitsivimmiinnissamat utertuartumik utaqqisoqarneranik ajornartorsiut Naalakkersuisut eqqumaffigaat. Tassunga atatillugu erseqqissaatigineqassaaq apeqqutit isertitsiveqarnermut tunngasut, matumani pineqaatissinneqarsimasunut isertitsivimmiinnissamat utaqqisoqarnera ilanngullugu, danskit oqartussaaffigimmassuk, taamaattumillu apeqqutit tamarmik taakkununga attuumassuteqartut naalagaaffimmi pisortanut atuumassuteqartunut akineqartussanngorlugit nassiunneqarput.

Taamaattumik Kalaallit Nunaanni Eqqartuussiveqarfik pillugu Siunnersuisoqatigiinni ataatsimiittarnerni aamma danskit justitsministeriata ataatsimeeqatigiittarnerni nangittumik ajornartorsiut saqqummiunneqartarpoq.

Naalakkersuisut isumaqarput utaqqiisaassumik ajornartorsiutinik aaqqiigallarneq atasinnaassuseqanngitsoq, taamaattumik utaqqisoqarneranik ajornartorsiummik ataavartumik aaqqiisoqarnissaa Naalakkersuisut pingaartillugu qitiutippaat.

Danskit justitsministeriata oqaatigaa 2012-imi pinerluttunik isumaginnittoqarfik ataatsimut isigalugu tamaat misissuiffigineqassasoq, matumani Kalaallit Nunaanni Pinerluttunik Isumaginnittoqarfik ilanngullugu.


Utaqqineq pissutigalugu saammaassisarnermut tunngatillugu naatsorsuutigineqarpoq danskit nalunaarutissatut siunnersuutaat pillugu Inatsisartut ataatsimiinnissaanut Inatsisartunut nassuiaammik suliaqartoqarnissaa.

Pinerluffigineqarsimasut aamma pinerlussimasup akornanni isumakkeerfigeqatigiittarnissamat suliaqartoqarneranut tunngatillugu ilisimatitsissutigineqassaaq Naalakkersuisut ilisimasaqanngimmata danskit naalagaaffiata tungaanniit misiliilluni suliniuteqartoqalersarneranik. Apeqqut Kalaallit Nunaanni Eqqartuussiveqarfik pillugu Siunnersuisoqatigiit tullianik maaji 2012-imi ataatsimiinneranni qaqinneqarumaarpoq.

Eqqartuussiveqarnermut tunngasut suliaasat Nunamut Namminermut, Pinngoritamat Avatangiisinullu Naalakkersuisoqarfiup aamma Siulittaasup Naalakkersuisoqarfiata akornanni suleqatigiinnikkut isumagineqartarput, pisariaqartitsisoqartillugulu suliaasat aalajangersimasut isumagineqarnissaanut avataaniit sularinnittussamik ikiorteqartoqarluni. Eqqartuussiveqarnermut tunngasunik suliat isumagineqarnerat

naalackersuisoqarfinni marlunni ingerlaavartunik suliassanik isumaginninnerup ilaattut
ilaavoq.

Inussiarnermik inuulluaqqusillunga

A handwritten signature in blue ink, appearing to read 'Anthon Frederiksen', written in a cursive style.

Anthon Frederiksen